



Broj: T18 0 KT 0015383 23
Brčko, 22.07.2024. godine

Na osnovu člana 35. stav 2. tačka z) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

1. N. O. (...)
2. R. O. (...)

Što su:

1. N. O. i R. O., zajedno:

U periodu od 03.05.2021. godine do 03.06.2021. godine, u mjestu Cerik bb, Brčko distrikt BiH, u namjeri da sebi pribave protivpravnu imovinsku korist, zajedno i po prethodnom dogovoru došli do kuće koja je vlasništvo N. A, nakon čega je R. O. upotrebom podesnog predmeta nasilno otvorio prozor na kupatilu u prizemlju kuće, kroz koji otvor su zatim ušli u unutrašnjost kuće, a kada su došli do vrata koja vode na sprat, N. O. je razbila staklo na tim vratima i zatim ih otvorila, pa su zajedno otišli na sprat kuće gdje su razbili staklo na vratima spavaće sobe, otvorili ih i ušli u unutrašnjost sobe, a zatim svjesni da oduzimanjem tuđeg nakita pribavljaju sebi protivpravnu imovinsku korist, što su i htjeli, iz sanduka ispod dušeka kreveta oduzeli i prisvojili crnu torbu u kojoj se nalazila veća količina zlatnog nakita i to nekoliko komada minđuša, ogrlica, narukvica, dukata i prstenja, čime su sebi pribavili protivpravnu imovinsku korist u neutvrđenoj vrijednosti, a oštetili N. A. za vrijednost oduzetog nakita,

dakle, objanjem da dođu do stvari iz zatvorenog prostora, tuđu pokretninu oduzeli drugome s ciljem da njenim prisvajanjem pribave sebi protivpravnu imovinsku korist,

2. N. O. sama:

Dana 22.03.2024. godine, u ulici ... u Brčkom, u namjeri da sebi pribavi protivpravnu imovinsku korist, došla do kuće Z. A. i pozvonila na ulazna vrata, pa kada je Z. otvorila, lažno joj prikazala da ju je poslala njena sestra da joj pomogne oko kućnih poslova, u šta je Z. povjerovala i pustila je da uđe u kuću, nakon čega je iz komode u dnevnom boravku uzela kutiju u kojoj se nalazio zlatni nakit i odnijela je u kuhinju da navodno obriše prašinu sa kutije, pa je za vrijeme dok je Z. sjedila u dnevnom boravku, iskoristila njenu nepažnju i dok se nalazila sama u kuhinji, svjesna da oduzimanjem tuđeg nakita pribavlja sebi protivpravnu imovinsku korist, što je i htjela, iz kutije oduzela i prisvojila zlatnu burmu, prsten sa kamenom bordo boje i komad zlatnog lančića, čime je sebi pribavila protivpravnu imovinsku korist u iznosu od oko 500,00 KM, za koji iznos je oštetila Z. A,

dakle, na naročito drzak način oduzela tuđu pokrentinu s ciljem da njenim prisvajanjem pribavi sebi protivpravnu imovinsku korist,

čime su radnjama opisanim u tački 1. optužnice N. O. i R. O. kao saizvršioци učinili krivično djelo Teška krađa iz člana 281. stav 1. tačka 1) u vezi sa članom 31. Krivičnog zakona Brčko distrikta BiH, a radnjama opisanim u tački 2. optužnice N. O. je učinila krivično djelo Teška krađa iz člana 281. stav 1. tačka 2) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
